

十八者凡諸財物毫分必取十九者凡於三寶常住皆不利益唯潤於己二十者不識機宜違戾世事令外眾侵犯損壞三寶二十一者不能管護法眾益加非法二十二者不教法徒多違科戒二十三者破內外貴賤歸依

心二十四者前心後心竟無定法二十五者運心偏曲永無成就令法門破壞損失福田二十六者依附勢豪經紀賣易三寶二十七者依託法門自取聲利穢汙經教二十八者賣三寶力縱恣是非二十九者聞人彈議彌行非法三十者侵損三寶常住自恣身心凡三十事有一不可若犯當來生中在畜馬獸任人殺活永失人道見世盲聾瘖瘂手足跛形容不具足若道士女冠當明識此科戒依行勿犯

科曰凡道士女冠儀四為綱紀者須依法奉行勸宣科戒教示徒眾若犯科者各依法罰香油鳴鐘禮拜如再犯不悛當致重役若使管修觀內又強梁不順者決以法科擯還本主必使愚人向道不犯科戒皆當執正不得偏曲

敗亂科典違者減算二十四百

洞玄靈寶三洞奉道科戒管始卷之二



洞玄靈寶三洞奉道科戒管始卷之三四日

法具品

科曰凡法具供養之先道士女冠威儀之本不可闕也並備諸經但在觀中及私房內供養之者總名法具

科曰凡鐘者四眾所會六時急務此器若闕則法集乖軌經曰長齋會玄都鳴玉扣瓊鐘又法鼓會群仙靈唱靡不同是也凡有五種造一者金鐘二者銀鐘三者五金合鑄成鐘四者銅鐘五者鐵鐘或九角八角或四角兩角復有無角或大則萬石小則一斗各在時耳既造成已皆須鐫勒銘記國號年歲郡縣觀名所為之意使萬代有歸六時不替矣科曰凡磬以節度威儀容止所要有六種相一者玉二者金三者銀四者銅五者鐵六者石或兩角四角或九角無角或狀若鈞並題所識永為供養凡鐘磬皆須作虞懸之科曰凡天尊殿堂及諸安置經像處所皆須造帳座幡蓋旌旛節與香鑪華珮几案帕縛幡竿燈臺燈檠燭檠燈籠壇幕門榜香合法

具事事種種或羅綺錦綵飾金珠玉翠羽翡翠丹青珠璧琉璃玳瑁連貫填錯七寶九光三明六出華麗解淨種種如法供養天壽永世福田一不可闕當須修造最為功德

科曰凡幡有二十一種一者連金二者貫玉三者綴珠四者線銀五者繡綺六者織成七者雜錦八者諸羅九者錯綵十者雕鏤十一者結絲十二者叢縷十三者雲霞十四者變書十五者線作十六者純色十七者間色十八者縵畫十九者畫字二十者五色二十一者九色或長或短或闊或狹或三尺五尺七尺九尺一丈二丈四十九尺百尺千尺或一首兩首十首百首千首萬首皆隨時所辦復為亡人有遷神轉寃度生九天三塗等幡為病人又造度厄消災解厄延年長命保護等幡居家平常復有致福延祥期年保壽修齡益壽等幡蓋任力所造皆長竿懸之於庭或經像左右并房廊院宇之側所在供養

漆鐵七者七寶八者雕木九者彩畫十者純漆十一者瓦作十二者瓦作十三者石作十四者竹作十五者時作皆大小隨時舞鳳盤龍飛雲卷霧或蓮華千葉香山或復雕鏤隱起或朴素平縵三足六足九足獨足各隨所宜也

科曰凡造巾帕有八種一者雜錦二者雜羅三者雜綾四者織成五者繡作六者錯綵七者純色八者畫作皆大小在時脩短任制或鍍金垂玉連珠綴縵種種裝飾皆縷縵縵諸匣匣夾

科曰凡經每一部或五卷十卷皆須著表凡表有五種一者錦綺二者織成三者繡作四者純絲五者畫繪皆內安裏及帶如法皆書題曰某經

科曰經函凡有十二種一者雕玉二者純金三者純銀四者金鍍五者銀鍍六者純漆七者木畫八者彩畫九者金飾十者寶裝十一者石作十二者鐵作大小任宜

科曰凡經厨有六種一者寶裝二者香飾三

者金銀隱起四者純漆五者沉檀六者名木大小在時

科曰凡造經藏皆外漆內蒙沉檀或表裏純漆或內外寶裝或表裏彩畫或名木純素各在一時大小多少並隨力辦或作上下七重或三重並別三間或七間安三洞四輔使相區別門上皆置鑽鑰左右畫金剛神王悉須作臺安不得直爾頓地

科曰凡講經座高九尺方一丈四脚安牙版裙案漆或木素皆畫金剛神王或十座百座並須有偶安閣道欄柵並須如法

科曰凡常讀經座高五尺方亦如之與講座同軌制裝飾與講座等

科曰凡經架有十種一者玉作二者金作三者銀作四者沉水五者紫檀六者白檀七者黃檀八者名木九者純漆十者金銀隱起或金玉珠綠裝校皆須作函藏舉勿得隨宜就地

科曰凡造天尊前案及讀經案有六種一者玉作二者金作三者銀作四者石作五者香

作六者木作大小任宜其譜經案廣一尺二寸長一尺八寸高一尺五寸種種裝校任時皆上制巾帕相稱

科曰然燈之法先造燈籠周匝障蔽勿使風吹不令蟲入每經像諸院并房門行路皆懸

照明內外不得替闕

科曰凡經篋函筒簡樣囊等各隨時製造珠玉錦綺羅縠各任力所為也

科曰凡天尊及真人上蓋有十種一者飛雲二者翔鸞三者舞鳳四者蓮華五者仙芝六

者七寶七者繡綺八者諸物合成九者純色十者綵畫皆珠玉珮帶流蘇垂鈴貫玉隨時

所建若道士女冠所持但翠碧八角或四角圓方任時垂帶曲柄自捨而已故手執晨華

是也

科曰輦輿車輦皆仙聖所御供養威儀如今王者所建也

科曰旌節幢旆亦神仙所持既具經典即威儀之限如今國家所制也

科曰凡華樹華籠導引所須每觀須造作架

插天尊前紙籠勿使損行有關減算一百八十

科曰凡燒香火爐并蓋合火七筋杖火鉢友篩盛炭罷籠炭丸單友織拭爐中火七筋架合炭丸罷調度各隨宜作安天尊殿或左右

小屋中連減算六百八十

科曰凡繩牀夾膝如意曲凡塵拂灑灌雖非天尊左右急須亦道士女冠供養切要並隨時造備不得闕替

法服品

科曰道士女冠三洞法服各有儀制具如本經當依法制服具依下卷其山文霞納暈畫

等帔無擬天尊身上九色離羅之狀講說三洞大乘敷揚妙道陞高座大德法師所服若具上法登壇入靜告齋行道啓導之首及常

修經法或傳授經戒威儀所須聽臨事暫放事竟還罷除此之外皆不得輒服減算一千二百

科曰凡諸女冠裙皆全幅帖絮染用梔黃深

色緋袖如道士制皆不得淺淡雜色連減算

二百四十

科曰道士女冠執役衣先不具科今備出之其上中下衣皆用淺黃色若黃眉土黃作淡色短小稱身制之若在觀居房供養師主尊年者德或修飾經像執提管為皆服此衣名為執役若道士女冠棍袴衫襦並作黃褐色不得餘色及白連減算三百六十

科曰道士女冠皆有冠幘名有種種形制各殊具在經中具如下卷並用穀皮荀籜或鳥紗純漆依其本制皆不得鹿皮及珠玉綵飾

其簪聽用牙玉骨角亦自須依法皆由筒盛舉勿使顯露及俗人犯觸連減算二百六十

科曰道士女冠履制皆圓頭或二儀像以皮布純絹裝飾黃黑其色皆不得羅綺錦繡畫

繡間錯珠條隱帖及俗履或青紫錦繡其機並須純素純布絹為之其鞞圓頭底鞞唯

麻而已自外皆不得著連奪算二百四十

科曰凡道士女冠脚具皆用純布絹染作黃

屑或淺槐色若青綠碧緋紫錦綺繡雜暈綠

皆不得服用其氈席林褥悉皆如之褥聽用

紫碧榻等枕用木或純漆正四方作之不得斜曲為異形或象髻金銀雕飾皆下鋪淨巾
違奪筭三百六十

科曰凡道士女冠體佩經戒符籙天書在身
真人附形道氣管衛仙靈依託其所著衣冠
名為法服皆有神靈敬護坐卧之間特宜清
淨或赴緣入俗教化人間不可將我法身混
同俗事凡人狀席穢氣稍多衣服專卑自須
分別須各作坐褥方四尺表裏帖緣大德尊
者法師及具上法者用紫餘皆視色並不得
以錦綺珠條帖絡出入隨身若入俗間則不
用也違奪筭三百六十

居處品

科曰道士女冠居處鋪牀宜依四壁單行不
得前後合鋪若坐若卧皆獨處一牀違奪筭
一百二十

科曰道士女冠坐卧處皆不得施帳座屏風
障子若屋宇穿漏風塵出入聽作青布纓或
纓帳周匝而已違奪筭一百二十
科曰凡道士女冠居處唯虛淨素朴而已除

曲几夾膝如意屢拂香鑪香合經案巾帕函
筒坐褥繩牀經藏燈臺眾生食盤澡灌等非
法器玩具皆不合畜用違奪筭三百六十

科曰道士女冠食器有五種相一者純漆二
者銅作三者石作四者鐵作五者瓦作皆三
重大者五升中者三升小者一升五合眾生
食盤或鉢一容半升匙挾銅漆餘並不得充
用淨巾二唯供齋堂所用自他所及他用悉
不得常須清淨名曰齋器每洗拭安架笱勿
雜他器違奪筭二百八十

科曰道士女冠房內皆須造浴室內外密淨
凡犯穢及汗垢即浴違奪筭一百二十

科曰凡道士女冠居住先須有泉井每令清
淨勿使穢雜及六畜屍產穢凡用水皆先瀝
後用違奪筭一百二十

科曰凡道士女冠居處先須備澡灌注梳或
盆器貯淨水舉動運為須漱口洗手其器金
銀銅瓦任時所有皆安蓋無使風塵蟲物穢
汙兼淨巾相覆違奪筭八十

科曰凡道士女冠居處先須造廁當隨土深

淺上造小屋使表裏潔淨不得露見穢汙違
奪筭一百二十

洞玄靈寶三洞奉道科戒營始卷之三